



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Potestati Et Consvlibvs Mediolanensibus.

**urn:nbn:de:hbz:466:1-20006**

# De negotio imperij.

729

quo minus opportunè per nos & alios Ecclesiæ Romanæ devotos adjuti, utrumque favente Deo ad optatum perducamus effectum. Datum Ferentini xiiii. Kal. Augusti.

FERRARIENSI, PAPIENSI,  
& Placentino Episcopis.

Epiſt. 88.

**I**ntra activæ &c. usque Lombardia, per vos, qui nobis nullo mediante subjecti vinculo estis fidelitatis astricti, & ob hoc apostolicæ sedis negotia fiduciis vobis committimus exequenda, consilium & auxilium venerabilium fratrum nostrorum Archiepiscoporum & Episcoporum & dilectorum filiorum Rectorum, Potestatum, Consulum, Marchionum, Comitum, & aliorum nobilium Lombardia duximus requirendum. Ideoque fraternitatì vestra per apostolica scripta mandamus & distriktè præcipimus quatenus eos ad locum idoneum convocantes, inquiratis & simul ab omnibus & seorsim à singulis, seceret tamen & caute, quid sentiant & quid velint super capitulis membratis; & id nobis tam per vestras quam per eorum litteras fideliter intimetis, vestra quoque consilia subscriptentes. Taliter autem mandatum apostolicum impleatis quod super hoc sollicitudinem vestram debeamus merito commendare.

POTESTATI ET CONSULIBVS  
Mediolanensis.

Epiſt. 89.

**C**um super facto imperij jampridem novitis mentem nostram & consilium vestrum nobis per litteras vestras duxeritis exponendum, miramur quod adesse nobis haec tenus neglexistis; præsertim cum pro certo noveritis quod nobilis vir Philippus Dux Sueviae progenitorum suorum inhærens vestigiis, ad depressionem civitatis Mediolanensis intendat, & carissimum in Christo filius noster illustris Rex Otto in Romanorum Imperatorem electus inclita recordationis Henrici Duci Saxonie patris sui, qui etiam contra mandatum imperij vestram dilexit pro viribus civitatem, sicut pleniū id novis, exempla secutus, ad honorem vestrum & augmentum aspiret. Non ergo deberetis finem negotij, quasi sedentes à longè, taciti expectare, ne inde amittatis gratiam Regis ipsius unde non possitis Ducus benevolentiam obtinere, quodque Rex vobis ad negligentiam, Dux impudet ad vindictam, utpote qui vestram novit plenius voluntatem. Licet ergo super facto imperij venerabilium fratrum nostrorum Archiepiscoporum & Episcoporum, dilectorum quoque filiorum Rectorum, Potestatum, Consulum, Marchionum, Comitum, & aliorum nobilium Lombardia consilium & auxilium requiramus, vos tamen per speciales litteras, seceret tamen & caute, duximus visitandos, nobilitatem vestram monentes & exhortantes attentiū & per apostolica vobis scripta mandantes quatenus taliter, cum possitis, hoc negotium dirigatis quod ad honorem apostolicæ sedis & vestrae civitatis augmentum nostrum & vestrum desiderium felicem exitum fortis, scituri pro certo quod cum tempus inmincat opportunitum, non parceremus laboribus nec expensis quo minus opportunè per vos & alios Ecclesiæ devotos

adjuti negotium ipsum auctore Deo ad optatum perducamus effectum;

SALZBURGENSI ARCHIEPISCOPO:

Epiſt. 90.

**A**d usitatum fallendi speciem assueti fallacie recurrentes, quod viribus nequunt, nituntur fraudibus obtinere, & falso astruunt quod verè nequunt affirmare, auctoritatem sibi ex mendacio mendicantes. Verum quia frustra jacitur rete ante oculos pennarorum, prævalere non poterit falsitas apud eos qui veritatem diligenter investigant, nec robur ex falacia fortis, qui cùm fallere velit proximum, fallit potius semetipsum, quis cadent pariter figulus & segmentum. Sanè ad nostram noveris audientiam pervenisse quod Suevia Dux Philippus, ut corda Principum carissimo in Christo filio nostro illustri Regi Ottoni in Romanorum Imperatorem electo faventium infirmaret, & ex simulato favore nostro robur aliquod obtinueret, fecit per Theotoniam divulgari quod dilectum filium Priorem Camaldulensem ad ejus præsentiam miseramus, eum ad coronam imperij evocantes. Ceterum, ut coram Deo sub testimonio conscientiae nostræ loquamur, nec Priorem prædictum nec alium ad Ducem ipsum duximus destinandum; sed Priorem eundem ab eo misum receperimus offerentem plura & plurima referentem sub testimonio litterarum quas

Vide Raynal;  
ad an. 1103,  
§. 28.

Dux ipse sigillo fecerat aureo roborari; cùmque idem Prior ex ejus parte proponeret coram nobis quod paratus erat ad mandatum Ecclesiæ Romanæ redire, à nobis non potuit responsum aliud extorquere nisi quod cùm redeuntibus ad Ecclesiæ gremium nolimus aditum venia denerare, prompti eramus eum recipere sicut quilibet pœnitentem. Monemus igitur fraternitatem tuam & exhortamur attentiū & per apostolica tibi scripta mandamus quatenus quicquid malitiosè fingatur, quæcumque immisiones per angelos malos fiant, non credas quod à constantia mentis nostre tam leviter recedamus & quod velimus in duabus viis in æqualibus gressibus claudicare. Nullus ergo de nobis suspicetur hujusmodi levitatem, cùm non fuerimus haec tenus in proposito nostro leves, nec apostolica fides, quæ in petra illius est firmata fundata de qua dicit Apostolus, *Petra autem erat Christus*, quæ mature disposita, de facili soleat revocare. Ad hæc, licet de te quædam nobis fuerint ministrè suggesta, nos tamen de tua devotionis constantia indubitate fiduciam obtinentes, fidem suggestis nolumus adhibere; fraternitati tuae per apostolica scripta mandantes quatenus in fidelitate stabiliter perseverans, ea semper efficias quæ ad honorem & profectum ipsius debeat provenire, ut & nos commodis & augmentis tuis efficaciter intendere teneamur. Datum Ferentini v. Idus Septembris.

ILLVSTRÍ REGI OTTONI IN  
Romanorum Imperatorem electo.

Epiſt. 91.

**E**li qui mortificat & vivificat, deducit ad inferos & reducit, faciens in tentatione preventum, quas possumus gratiarum exsolvimus actiones quod non est oblitus inutilis servi sui,